

南昌府志卷四十九

人物一 仕蹟二

宋

徐如晦字光伯豐城人隆興初求直言時年二十四應詔陳十事累舉得官爲慈利主簿以憲檄攝糾掾有殺人祭鬼者久繫未決如晦得狀白憲疑之如晦曰殺人者死理也妻子無罪可盡戮乎憲大悟罪止其人又有因怙勢殺人反執死者之妻妻誣服將論決如晦察其冤吏以太守命堅持不釋如晦叱之因引訊問未畢十語而服先是縣鞠此獄霆震獄扉合暴亡及是婦寃得白時苦旱忽雨人

南昌府志

卷四十九 仕蹟

一

以比東海雪寃之應再調萬載丞卒始自慈利歸口占曰來時一行李歸時一行李俸外無一金不愧蘭江水其自勵如此 縣志

簡世傑字伯俊自進賢徙居靖安遂爲靖安人隆興進士初任靖江府司理叅軍外邑以盜上府凡六七人世傑推詳非是後果獲真盜時叅政范成大爲帥將劾令而賞世傑世傑力辭且謂令悞非有他成大益賢之暨鎮蜀辟入幕府汲引蜀士皆一時翹傑改蒲圻知縣政本豈第行之以信不設科條民不忍犯知賀州嶺外官自鬻鹽人以爲病遂一切罷之 豫章書



李大性字伯和四會人其先積中嘗爲御史以直言入元祐黨籍始家豫章大性少力學尤習本朝典故以父任入官孝宗朝進典故辨疑百篇上嘉之擢大理司直遷敕令所刪定官添差通判楚州郡守吳曦與都統劉超合議欲撤城移他所大性謂楚城實晉義烏間所築最堅奈何以脆薄易堅厚乎持不可會從官送北客朝命因俾廉訪具以實聞遂罷戎帥召大性除太府寺丞遷大宗正丞兼倉部郎尋改工部陳傅良以言事去國彭龜年黃度楊方相繼皆去大性抗疏言朝廷清明乃使言者無故而去臣所甚惜恐端人正士之去者將不止此可爲寒心孝宗崩光

宗疾未能執喪大性復上疏言檀弓有兄死而不喪者聞子臯將爲成宰遂爲衰若待金使來祭奠然後執喪則恐貽譏中外豈特如成人而已累遷至戶部尙書開禧將用兵大性疏陳利害忤韓侂胄意出知平江移知福州又移知江陵充荆湖制置使江陵兵殘之後饑饉疾疫薦臻大性首議賑貸凡三十八萬緡有奇前官虛羨凡十有四萬五千緡率蠲放奏流移復業者皆免征權江陵舊使銅鑼錢重楮輕民持貲入市有終日不得一錢者大性奏乞依襄郢例通用鐵錢於是泉貨流通民始復業除刑部尙書兼詳定敕令尋遷兵部尋以端明殿學士知平江府引疾



丐祠卒於家年七十七贈開府儀同三司諡文惠李氏自積中三世官于朝父子兄弟相師友而大性與弟大異大東竝躋侍從爲名臣云 宋史

高鼎字國器新建人乾道進士授鄱陽主簿時給事吳芾帥江西一見輒加寵禮郡有大政必使預聞武寧多寇未獲委攝尉事鼎以計搜捕寇悉就擒調樂平縣饒之德興有岸地輸鹽米額民甚苦之鼎條奏利害悉與蠲除改宜春丞獄數百人皆逋租者引至庭下約限遣之不加箠而賦集吉有疑獄憲司檄鼎推鞠得其情囚多貸死秩滿退歸西山洪井京鏗在政府屢致書幣招之不起 縣志

南昌府志

卷四十九 仕蹟

三

胡价字仲藩奉新人乾道進士授湘陰知縣邑大姓以武斷相高吏不敢問价方按問求援者輒不聽悉置之法調湖北按察司提舉陳謙平蠻价告謙郡縣兵弱請召旁路諸軍遣將分討遂擒首亂及拒捕者數十百人餘盡降价之謀居多擢太安軍未赴卒所著有尙書要義當世急務湖北利害漢唐治安龜鑑及集宋名臣奏議等書 一統志

范德動字光卿豐城人璿次子舉淳熙鄉薦知吉之龍泉縣時茶寇大擾邑當其衝居民盡室逃避德動獨留解舍募民因險立柵爲鐵角距實灰在迎擊之寇望風遁去臺府表其勞進丞瓊管知容州以最聞詔赴闕初廣右屢更



鹽法官鬻賣鈔德動奏爲定制有旨集議擢瓊管安撫改  
肇慶知府帥臣潘時上其治狀召赴行在所未行而卒

縣志

鄧元字南秀豐城人淳熙進士任分宜主簿時夏潦暴至  
室廬皆沒民爭走山無所得食元不及白州發廩粟以濟  
民再辟廣西帥屬時宜州蠻欲叛出不遜語元奉使者檄  
以約束之卽退聽命

縣志

黃疇若字伯庸豐城人得禮曾孫少孤外大母杜教養之  
淳熙進士授祁陽主簿民有訴僧爲盜殺人疇若疑無證  
以白提點刑獄馬大同馬不察爭之甚力已而得真盜馬

南昌府志

卷四十九

仕蹟

四

更薦之遷廬陵知縣嘗以六月督疇零稅念民方艱食取  
任內縣用錢三千餘緡代輸執政薦於朝遂監進奏院言  
三事一賦歛征求之無藝一都鄙軍政之無法一守令牧  
養之無狀主大府寺簿考博學宏詞科拔二士乃真德秀  
留元剛也擢監察御史乞天子擇宰相宰相擇監司權戶  
部侍郎自軍興費廣朝廷給會子數多至是折閱日甚朝  
論頗嚴稱提民愈不售疇若請先十一界勿復支出上下  
流通則不待稱提矣由是峻急之令少寬又疏奏乞存忠  
厚延質朴屏絕浮薄之論乞撥買官田充糴本以廣常平  
之儲進文華閣待制知成都府臨遣上諭以委任非輕一



意撫摩既至吏白當徵積欠十數萬疇若悉蠲之考官吏  
冗員非救命差注者悉罷之故事頗尙邀樂一切減捐爲  
民代輸六年市估錢計二十萬二千四百緡別立庫儲二  
十五萬卽縮餘錢四十萬爲修城備又減他賦之重者民  
力遂寬初沈黎蠻屢犯邊疇若鏤榜曉諭禍福青彌兩羗  
遂乞降會董蠻犯龍鳩堡龍門隘皆以有備而退召對延  
和殿除兵部尙書知貢舉試禮部尙書後以煥章閣學士  
致仕終於家所著有竹坡文集子策潭州通判 縣志  
孟程字深甫豐城人淳熙進士調襄陽監酒稅民兵二帥  
交檄按視水渠程詳慎繪圖復於二帥且深言屯田之利

因浚渠溉田數千頃總餉覈軍儲綱米入倉懸蓐蔽廡程  
疑其奸徐察之乃賄倉吏盜官以補私欠遂發其事積蠹  
始革合潞浦寧遠二縣皆正賦籍吏不敢欺邑計亦裕終  
臨江通判 縣志

于革字去非豐城人年十三能賦詩淳熙進士調武寧尉  
知房州入吳宣撫臘幕吳使蜀漕臣以私意劾革去任更  
化之後吳臘爲抗章辯析有云金兵甚張郡盜陸梁光化  
荆門悉無全堞革居其中獨能繕甲治兵捍防關隘暨逆  
曦內訌人情騷動又能獎忠義戢津梁僞命不能東出漕  
臣遷怒傅致深文遂使全城之功未錄乞與牽復特加任



使制帥劉光祖又以房陵士民之詞上聞其事遂白縣志  
舒邦佐字輔國靖安人淳熙進士爲善化主簿長沙輸送  
苗米三十萬斛郡委邦佐領其事每歲輸納例有所饋號  
曰優潤錢邦佐舉而寄諸帑遷衡州司錄叅軍茶陵民訴  
胥吏受賕逮鞫則曰常許而未與守倅將罪訴者邦佐言  
吏蠹易滋民寃難伸於是訴者得從寬減紹熙甲寅朱熹  
帥長沙邦佐以疾乞歸熹賢而從之嘉定中授通直郎卒  
所著有雙峯猥藁省志

王衡仲字仲平豐城人淳熙進士丞相京鏜欲引以自近  
衡仲不就授新昌主簿居官不爲詭隨尤善推鞫部民有

貨圃於里富人而誣其毀基者且行賂以求證邑莫能決  
部使者檄衡仲辨之至則桑麻蔚然乃命里胥丈植一表  
而獨錄一證者詰墓所在又詰所指不同遂杖之三詰而  
證者以實告其獄乃決丞漢東時漕使趙方檄攝郢且以  
所捕寇數十約至境行誅衡仲按其事多註誤乃悉縱遣  
復趙曰非真盜也已爲明公未減矣萬一咎其慢令則某  
但能不負所知不能不負所委趙韙之爲審計時嘗輪對  
頗及時政有曰以放散新軍失士卒之心以拘毀白帖失  
邊豪之心以納粟限銓失巨室之心以新引失商賈之心  
以新會失天下之心末言孔子謂兵食可去而信不可去



今急於兵食而去其信一旦緩急尙能以空言欺人而使  
之我聽哉辭甚激切出守建昌軍值歲大旱衡仲默禱曰  
得雨則郡可爲也入境望郡治而舍大雨如注郡人迎而  
喜曰真刺史雨新城有地名黃檀磔者與汀爲鄰其民險  
健好鬪騷動一方令不能制臺閩俱以輕動爲戒衡仲獨  
銳然擒戮之衆乃帖服

縣志

李安國字元佐南昌人任南城知縣剖決無留牘吏民駭  
服郡別駕行縣獄無一囚驚異而去改宜黃縣罷不便民  
事二十餘條尋爲贛州通判以史正志洪邁薦召對稱旨  
除知常州入爲戶部郎中改司農卿開除無名之逋十八

南昌府志

卷四十九 仕蹟

七

萬縱還州縣繫留者凡二千九百餘人省楮幣充庾藏始  
至軍無數月之儲三年錢以緡計者七百萬米以斛計者  
三百萬居職以簡自守常焚膏油不燃官燭淳熙初擢戶  
部侍郎

南昌耆舊志

孫伯溫字南叟豐城人紹熙進士慈利主簿鄉人范伯舉  
調南城年高次遠欲兩易之伯溫欣然許之需次八年再  
調龍城校官改新昌知縣揭縣門曰有冤可訴無理莫來  
豪民競田伯溫繩以法乘間萋斐遂以罪去後改臨湘知  
縣未任而卒

縣志

范仲武字季克豐城人慶元進士任泰和知縣徙倅安豐



道由洪都帥問其治狀纒纒言之至蠲放下戶餘賦帥不謂然語之曰富民得產而不收攬戶得錢而不納若一蠲之攬戶不中飽耶仲武曰信如所論然催之不已則受害者歸貧民下戶耳帥善之其在安豐也宣司歛財仲武以將漕受事不及下戶或謂富家大室有詭匿今悉取之非計也宣司惑其說仲武力言寧使富戶有微倖不可使貧弱受殃議遂定簡帥劉光祖熟其治狀言於朝謂料賦無遺策給餉無缺事保守箕谷捍蔽兩川其功爲多召赴行在卒

縣志

王武子字文翁一字仁叟豐城人開禧進士爲江夏尉臺

南昌府志

卷四十九 仕蹟

八

檄視旱武子請蠲租仍禁刑牛罷關征勸假貸以資細民寬米值以來商販使者悉行之獨其屬沮格蠲租之議武子力爭不能奪其後租不可督卒從倚閭人服其識再調荔浦令凡閭里有能奉親事長服田力穡畏訟樂輸者里長以名聞厚加旌賞勤課試士氣益振架閣裘萬頃被召臨門求贈言武子曰入爲朝士寧疎拙毋便習則不失其在我者萬頃奉其言人謂武子不惟勉已且以淑人

縣志

范應鈴字旂叟豐城人開禧進士調永新尉縣當茶陵溪洞之衝寇甫平善亂者詐爲驚擾應鈴廉得首捽而治之縣十三鄉寇擾不時郡奏弛入鄉民租二年旣復督之應



鈴卽詣郡言反覆數四帥聲色俱厲應鈴從容曰某非徒爲入鄉爲國家計耳民貧迫之急將以不肖之心應之租不可得而禍未易弭也力爭之乃已改崇仁知縣邑故賦役不均應鈴罷供需去詭籍而賦役正通判蘄州江右峒寇爲亂吉州八邑七被殘毀差知吉州應鈴慨然曰此豈臣子辭難時耶下車首以練兵足食爲先務去冗吏覈軍籍汰老弱洞究財計本末每鄙權酷興利五邑悉改爲戶吉舟車之會且屯大軍人勸之權應鈴曰理財正辭吾縱不能禁百姓羣飲其可誘之利其羸耶贛叛卒賊殺主帥應鈴密遣諜捕之部使者劾其輕發鑄一官起廣西提點

刑獄名爲全部郎官入見首言今以朝行暮改之規模欲變累年上玩下慢之積習以悠悠內治之敝政欲圖一旦赫赫外攘之大功公論不出於君子而參以逢君之小人紀綱不振於朝廷而牽於美權之閹寺言皆讜直識者躉之遷軍器監召見奏國事未且急者儲貳爲先陛下不斷自宸衷徒眩惑於左右近習之言轉移於宮庭嬪御之見失今不圖奸臣乘夜半片紙從中出忠義之士束手無策矣帝爲之動容授直寶謨閣湖南轉運判官兼安撫司峒獠倡亂帥憲招捕逾年未平應鈴曰招之適以長寇卽調軍討之未一月擒兇渠全師而歸加直煥章閣累上書謝



事不允擢大理少卿一日籍府庫會簿書已及家務僚屬有以清心省事爲言者應鈴笑曰平生學力正在今日僚屬愕然莫知所謂客入應鈴整衣冠肅入言論如平時客退翛然逝矣應鈴開明磊落守正不阿見義必爲不以利害動心所至無滯獄繩吏必不貸亦未嘗沒其貲家居時人有不平不走官府而走應鈴之門爲不善者輒相戒曰無使范公知之卒諡清敏

縣志

汪剛中武寧人嘉定進士累官侍御史立朝侃侃無所隱避權要憚之時論以爲有古直臣風

縣志

熊炎字時中豐城人嘉定進士授靖安教諭攝縣事轉瑞

南昌府志

卷四十九 仕蹟

十

州教授八年遷廣東儒學副提舉同知英德州嘗據傳記所載孝節忠義廉循吏爲六傳上左丞謂有補風教

縣志

邢凱字坦齋武寧人嘉定進士官吏部侍郎清理銓政一時人材無滯越之患尋致仕歸築費岡書院儲書萬卷著

坦齋通編

縣志

李義山字伯高豐城人以父修已蔭補將仕郎嘉定進士授大宗正兼金部輪對言爲善不可有疑心去惡不可有悔心屢陳進善不能無疑者三去惡不能無悔者三未復上四事由是罷歸奉冲祐祠知吉州正版權籍之詭僞在湖以提舉攝帥漕楚俗尙鬼淫祠煖娖假禍福惑人義山曰



此張角孫恩之漸也斬妖覘燁法祖燬其祠官江淮都大  
提點坑冶階至中大夫爵豐城男子瀛官贛州通判縣志  
蔡薦字子賢南昌人少受業於胡夢白嘉定進士真德秀  
以國士許之任玉山知縣有治聲銓部郎洪咨夔薦於朝  
擢祕書郎尋改禮部郎抗疏論史彌遠專橫又訟濟王竝  
寃遂與權貴忤致仕歸縣志

李嗣俊字士愚豐城人舉胄監都城旱詔求直言上書乞  
立濟王後收名言路逐臣罷龍翔宮土木荆湘帥陳韓縱  
軍毒民請逐之行臣說五日不雨斬臣首以正欺君之罪  
弟嗣良字士愷嘉定三年鄉薦縣志

南昌府志

卷四十九

仕蹟

士

袁漸字伯賢豐城人嘉定九年鄉薦特奏授嚴州文學廣  
州清遠尉改瀏陽高安二縣丞管廣漕帳司辟英德推官  
安東判官改清海判官權德慶府以通材守廉振頽綱理  
凋瘵補綱欠蠲事例所至有聲決累年不決之事蓋一時  
之能宦也子浩願進士龍川主簿縣志

陶夢桂字德芳進賢人嘉定進士官至朝請郎岳州通判  
出入江淮荆蜀二十年所至愛民力修軍政有廉能稱退  
隱平塘簡澹自處以壽終自號平塘老人有吟稿若干卷  
曾孫文彰爲刊行省志

徐應雲字平仲豐城人嘉定十五年鄉薦以恩科授瀏陽



尉憲司有死獄久不決檢覆至四五訴者不已委應雲聚  
檢驗至兩脛骨俱左足應雲曰非完屍也前所委官皆失  
色獄由是得明 縣志

徐經孫字仲立豐城人璿子寶慶進士授瀏陽主簿潭守  
俾部牙契錢至州有告者曰朝廷方下令頒行十七界經  
孫曰此錢取諸保司出諸公庫吾納會而私取其錢外欺  
其民內欺其心奚可哉詰旦卽以所部錢上之其人驚服  
有媿色辟永興令知臨武縣通判潭州帥陳韓雅相知事  
必咨而後行陞監察御史劾京尹厲文翁言偽而辨疏留  
中宣諭至再卽日出關上遣使追之不及升安撫使轉秘

書監太子諭德經孫爲安撫時韓家居門人故吏不得逞  
至是韓起家判本郡懷私逞忿無復交承之禮卽日劾奏  
通判語侵經孫於是罷通判削秩經孫造朝具白于政府  
事聞帝大怒諭宰執曰陳韓老繆至此宜亟罷之於是經  
孫再詣政府請之不置俾自乞閒明通判無罪識者韙之  
陞太子詹事敷陳經義隨事啟廸景定三年春雷詔求直  
言經孫對曰三數年來論者以靖共爲主有懷者以譁訐  
爲戒忠讜之氣鬱而不得行上帝降監假雷以鳴切中時  
病時賈似道議買公田以省糴運經孫極論非便忤似道  
除翰林學士知制誥未踰月諷御史舒有開奏免罷歸拜



端明殿大學士閒居十年卒贈金紫光祿大夫爵豐城伯  
謚文惠經孫既貴不治產業身歿蕭然經孫所薦陳茂濂  
爲公田官分司在嘉興聞經孫去國曰我不可以負徐公  
遂以親老謝歸終身不起 宋史

冷應徵字公定分寧人寶慶進士廬陵主簿以廉能著調  
靜江府司錄叅軍治獄平恕轉運使范應鈴薦知萬載縣  
大修學舍招俊秀教試之旌其通經飭行者以勸歲饑卽  
下令縱民收養棄孩父母不得復問全活甚衆葉夢得知  
袁州列其行事風厲餘邑遷登聞檢校院知德慶府時峒  
獠信城六十里應徵諭以禍福獠感悟衆稍引去應徵知

其勢解卽厲士馬出不意一鼓擒之縱脅從歸農者千餘  
人屬縣租賦委道阻久不至郡應徵爲之期曰首輸者與  
減分未至則償所減民惟恐後不越月盡輸無遺陞本道  
提舉常平兼轉運使劾守令貪橫不法十餘人列郡肅然  
陞直寶章閣知廣州主管當路經畧安撫司領漕如故常  
曰治官事當如家事情官物當如已物今國計內虛邊聲  
外震安得清談以誤世聞襄樊受圍日繕器械裕財粟以  
備屢平大寇未嘗輕殺一人卽笞杖亦加慎至其臨事斷  
決雖勢要不爲撓奪後卒于家 宋史

夏伯昇字晉伯進賢人理宗朝沿江制置使馬光祖鎮建



康辟爲參謀贊理屯田軍務時元人南侵歲苦兵軍儲告匱伯昇與屯田減租稅簡練士卒防制要害威惠大行元初屢辟不起 縣志

葉點字明允武寧人性廉靜博覽羣書理宗朝上保淮蜀策特授進武校尉監崇仁縣稅不赴徵著作郎卒 縣志

李龍庚字彞甫豐城人紹定元年鄉貢補太學生淳祐末謝方叔當國龍庚叩閤上疏言方叔耄昏子姪縱欲敗度交通賄賂掩抑公論條上五欺十賣之罪京尹承風羅織興獄少司成蔡抗率屬爭之獲免未幾方叔竟罷丙辰以特奏奉廷對詳定官擬之第一俄置第三甲子丁卯以江

南昌府志

卷四十九 仕蹟

古

廣漕薦爲桂陽軍判官子毅通字幼剛景定三年進士任蘄黃縣尉轉撫州推官爲江州司法叅軍奉母之官載米以養攝瑞昌宰臘雪艱食勸所親厚者各從隣巷量輸之 縣志

葉履和武寧人紹定進士任衡陽知縣決疑獄多所平反尋爲寶慶通判卒於官 縣志

李登字仲圭豐城人紹定元年鄉薦奏授耒陽主簿時湖南被兵列城震恐守臣委登督修城壘規畫有方不數旬竣事民不知役再調吉水縣丞行經界覈田高下以則定等賦均而民樂輸及得代郡守魏峙知登清貧檄之受納



秋苗資利以調歸橐登代至卽行秋毫無取季弟鰥居衣食俱給宦遊必俱嫁其女如子官至潭州糧料院

縣志

雷宜中字宜叔豐城人端平間補太學生史嵩之以右相開督府陰植奸黨弟巖之京兆尹勢焰熏灼會天變宜中上書斥其奸約同舍生俱初從者十九繼十七最後十無二三宜中氣益壯由是流落久之淳祐登進士第三人爲右司諫時賈似道初相收召知名士不附已者輒斥似道帥江陵宜中在記室裨贊言無不從至是事有不便必過閣論正以意不合去經畧廣東比還捐俸買田以給桐江書院入奏言廣東進上供銀大率抑買爲民害有旨蠲之

又乞復故相吳潛官賜美蠲以勵臣節復濟邸封爵以厚天倫錄江西二陸之後以勸學者德祐初除禮部尙書尋爲廣東經畧安撫使偕文天祥起義兵勤王又與信州謝枋得招諭軍民固守嶺嶠元游騎至時宜中子韶州通判國乘與弟國武相失俱不知所終宜中與元兵力戰病臂創踰月而卒爵豐城男

縣志

龔日升字子輝南昌人嘉熙進士任廬陵知縣廉介不私一錢有宗室與訟日升懲之乃賂諫官斥日升歸後以薦爲寧海軍節度判官時藩王橫甚日升置殿直快行有罪者於法久之擢監察御史樞密使某回邪日升劾之謂異



日必負國外戚有越階授官者亦劾之乃免歸踰年起知  
常州府罷場官之貪苛除劉魏二豪桃川宮占民產三十  
里清還之遂兼提舉湖北常平茶鹽事修貢院郡學浚秀  
水白鶴諸池政益有聲鄂州降于元日升與同官起義兵  
以書約文天祥爲聲援會前所劾樞密使爲右相罷其官  
景炎中於行在起日升爲大理卿從亡崖山以吏部侍郎  
封南昌縣開國子宋亡感憤而卒著有帥正錄三卷書判  
一卷

縣志

塗幼醇字少安靖安人嘉熙進士天性孝友博學多才智  
任吉安通判潔已愛民政平訟簡盜賊屏跡會旱荒竭力

南昌府志

卷四十九 仕蹟

六

捐俸賑饑旋解組歸卒祀鄉賢

縣志

舒椅字奇之靖安人淳祐進士文行高卓官至錄事參軍  
振興學校勸課農桑政修事舉民蒙其澤

縣志

葉惟華字仲實武寧人淳祐進士授江寧助教擢將樂知  
縣廉介自守躬課農桑教民務本遷靜江倅及行貧不能  
治裝裹糧追送者幾萬人靜江帥嚴刻待士不以禮惟華  
與之抗帥劾惟華越職遂罷歸咸淳中徵爲朝散大夫

縣志

范嚴字子嚴豐城人淳祐進士方試禮部伏闕上書言上  
下之交以術相籠不以心相體以氣相承不以理相從條



陳十事曰嚴資善之訓教絕黨惡之議論選宰執以盡君子之用重臺諫以固君子之交責監司以清利弊擇重臣以壯邊闡廣畊屯以招流散收碎會以便交易謹舉措以重宗廟續恩意以篤天倫既第復上書曰當今之時可爲治世惜者五謂公論脉絕正人引去經厭學校庇護嵩之創龍翔觀可爲明主危者六謂敵國窺江寇循海道楮弊折闕浙右盜賊軍驕而紀律不嚴拒言而人不敢諫未言周室漢唐六朝享國世運短長疊疊萬言憤激忠愛官至臨川主簿

縣志

周應合字淳叟武寧人淳祐進士授江寧府教授尋召入

南昌府志

卷四十九 仕蹟

七

爲實錄院修撰景定間充江南東路安撫使司幹辦公事撰建康志五十卷旋徵爲御史未拜卽上疏劾賈似道貪庸悞國謫通判饒州復罷主管華州雲臺觀使似道敗擢直賢院學士未赴而卒所著有洪崖集溪園集若干卷

縣志

志

劉起龍字應詳祖鎬徽人任江西刺史遂家靖安淳祐壬子狀元授翰林院編修寶祐六年陞學士轉湖廣左叅政在任六載決獄詳明民無冤抑

靖安縣志

熊大經字仲常豐城人寶祐六年鄉薦以恩科爲建陽主簿時劉克莊爲宰大經推誠贊理見義勇爲嘗移書曰某



試邑非才惟主簿忠告善道置此身於無過之地爲力最多轉龍泉令廣西憲司幹尋致仕

縣志

胡文舉字仲明進賢人寶祐進士寧國軍主簿調贛縣尉未至有訴殺人而失屍且不見殺者文舉至方下其事一日池出尸無首詢死者之母云背有涅虎視尸果然又廉得其妻嘗與某男子通急召男子別鞫其妻妻疑事洩言實與男子姦共殺夫而埋其首掘得首加屍如生成以爲神自是臺省疑獄多以屬文舉辟州錄事參軍授浮梁縣丞卒

豫章書

傅瑛字文英武寧人寶祐進士累官兵部侍郎累疏劾賈

南昌府志

卷四十九 仕蹟

六

似道不報似道旋中以他事貶湖州司戶尋卒弟蒿字文蒿開慶進士官禮部郎中亦以劾似道罷歸

縣志

趙汝暨字及之新建人以父善恪廕授明州錄事參軍有執平民爲殺人盜者獄具汝暨直其寃繼獲真盜寶祐間帥閩忤丁大全奉祠歸後趙葵宣撫江東西以洪州吏民不相得薦知鄉郡兼領漕遂置庫贍官糴穀賑荒自此軍民帖服改知靜江及黃

省志

州俱有善政累進工部尙書

致仕

縣志

譙賢甫南昌人開慶進士任湘陰知縣邑素多盜官兵憚之賢甫招撫不從乃帥兵焚其山二旬盡滅賊渠拜山東



道御史敢言時政上禦戎五策執政不能用左遷知虔州  
輿論惜之 縣志

胡霆桂字直翁進賢人開慶進士鉛山主簿時私醋之禁  
甚嚴有婦訴其姑私釀者霆桂詰之曰汝與姑和乎曰和  
曰然則汝能代姑受責矣以私醋律笞之政化遂行宗室  
寓居多不出田賦霆桂繩以法卒爲所誣免歸著書自娛  
天經地志禮樂名物及醫藥卜筮之書無不究覈號寬居  
先生所著有易傳律論經史雜說居業集子志道咸淳丁  
卯貢士 豫章書

宗必應字子固南昌人景定進士初任平陽縣尹改調南

南昌府志

卷四十九 仕蹟

九

昌轉授江西招討司計議景炎丙子元人克真州徇江南  
招討劉槃欲以江西城降必應不可曰德祐之初降元者  
劉權致無爲軍失守今文開府經畧西南劉洙亦自省起  
兵往會可謂義舉明公不劉洙是効而効劉權此何爲者  
槃不聽必應乃遜 舊志

按宋制無縣尹之官亦無初注官卽除令者

宗必經字子文南昌人景定進士授靖安知縣調萬安轉  
判瑞州晉潛藩兵副與樞密陳宜中不合謝歸及宋祚革  
元世祖詔求江南人士銘夢炎陳文海交薦謝枋得等二  
十餘人必經與焉固辭迫脅以威不從械至元都繫獄三



歲乃放還其在獄詩云睡曉方知前是夢落花難上舊來枝又云不覺授書冬再至我思黃霸欲消魂歸隱於家著

玉溪集

舊志

王義端字元剛豐城人與兄義山景定二年聯名鄉薦仕至綏寧令德祐丙子避地贛州一日詣憲使陳杰適吉水械劫盜七十餘人至命幹官王垌議置於法義端問曰非二趙事乎杰曰然曰是則兄弟之郤非寇也某昔事此邑有趙簿與銀以事羈管邵陽或謂其弟與鏞擠之赦還兵與鏞盡室之贛銀謀報復率羣僕焚其廬是兄弟修怨罪不專在從也可盡殺乎復說垌曰君毋以人命奉長官嗜

南昌府志

卷四十九 仕蹟

三

殺立威也竟釋之相與羅拜於前曰公活我輩感泣而去  
縣志

涂應雷字復亨豐城人景定進士授萬安尉清遠主簿英德推官知番禺縣在清遠時臺臣劾新會宰攝廣南倖大貪酷爲南中官吏之最鏞罷送憲司徵贓不服遂委應雷累問不承廉得民間贓狀萬計示之乃伏辜  
縣志

袁洙字幼東奉新人去華孫景定進士除建昌主簿稍遷餘干縣丞奉檄賑饑全活甚衆嘗攝饒州通判豪民以私憾殺人洙廉得其狀豪懼夜懷金以請不聽竟置於法民有奪孤產者獄久不決洙至一訊而服一郡稱爲神明改



鄱陽知縣以疾卒 舊志

徐思立字志夫豐城人景定進士授南雄教授改臨江時  
丁大全當國諫官與諸生叩闕攻之有旨諭立石學宮思  
立爲書抵祭酒反覆萬言請轉聞以申公論於是十年不  
得志德祐初改奉議郎尋除武學博士罷歸 縣志

周汝翼字仲良武寧人友賢子官國子司業歷知荆淮浙  
東西宣撫使初知荆淮值水災民多流離失所汝翼築城  
壘堤民困得甦卒贈朝議大夫 縣志

幸元龍靖安人居官慷慨有風節時京邑万俟卨之孫與  
岳飛家爭田按問府縣歲久不能決元龍勘鞫並不檢查

南昌府志

卷四十九 仕蹟

三

案牘卽判云靖康之變臣子所不忍言東南全半壁之天  
者岳武穆之功也中原絕可圖之望者万俟卨之罪也武  
穆乃一代効忠名將秦檜實萬世賣國賊臣凡檜所以殺  
忠臣懷逆謀者皆卨助成其惡雖籍其家不足以謝天下  
尙敢與岳氏爭田乎可謂不揣其本矣田歸於岳舉火悉  
焚其案無不稱快 縣志

按幸元龍本高安人靖安志亦載姑仍之

徐子端字克之豐城人鹿卿子初任監烏青鎮時朝廷更  
造楮幣漕司責以日解槿木葉一千斤鎮地屬安吉嘉興  
三郡催吏旁午子端謂上之使下必度其力責之於其所



有者易求之於其所無者難累請得減半又兩月乃免再調黃州推官所在見稱授宣教郎知善化縣事革命後杜門讀書稱後泉散人弟子中字益之由承務郎三監黃花鎮咸淳甲戌挈家之官明年元兵陷當塗子中闔門死之縣志

余炎午字光伯奉新人咸淳進士授漢陽知縣以文學才幹稱秩滿當遷安撫使徐安民奏留兼權機密有武弁恃勢爲民害炎午執擬甚堅軍帥莫能奪除靖江府通判宋亡不仕教授鄉里有詩稿號平淡集縣志

楊龍偉字卿雲進賢人咸淳進士授鄱陽主簿時信州軍

南昌府志

卷四十九 仕蹟

三

亂提刑檄龍偉往視戮首惡數人邑大饑故事義倉非朝命雖持節使及有朝命而無臺檄者皆不敢擅發龍偉曰事急矣獲罪所不辭也乃發廩以賑之民遂安省志

范宜損字處約豐城人初補進義校尉尋授會昌征官攝安遠令罷弊例五十餘條補解逋賦八千餘緡立學舍三百六十楹登咸淳進士授蘄州法曹轉湖廣總領所幹官分司岳州江上宿師百萬供給不匱宜損才識絕人遇事繁劇立辦官止刑部架閣文字縣志

熊汝屋字兌夫豐城人咸淳進士授崇陽主簿六經不釋手一月一過讀學徒皆爲聞人李義山嘗受學於其父瑁



及李漕湖南汝屋留其幕有僧以楮鏹萬緡求通關節汝  
屋毅然曰吾與李公世爲道義交何可以利相浼耶縣志  
王定孫字靜翁進賢人咸淳進士贛州司徵貴溪縣尹福  
建鐵冶提舉邵武錄事龍溪尹初仕貢溪參用舊典貴人  
安焉平反邵武何姓殺債主而誣其妻之獄在龍溪盜掠  
晉江許祥德家盜逸逮百餘人死者十二三會民有商去  
不及偕往者歸母媪以訴詰之并得掠許氏盜枉者以釋  
先是盜發隣境雲中孫萬鎰爲憲司書史沿檄招捕頗著  
清聲民爲立碑後稍以深刻損譽一日會明倫堂孫語侵  
定孫定孫面數其所爲引椎碎碑而出宦遊皆劇任具資

南昌府志

卷四十九

仕蹟

三

裝以行所至秋毫無取

縣志

黃螢字子耕分寧人咸淳進士調瑞昌主簿監文思院知  
盧陽縣五溪獠獷悍官不能制螢爲詩諭之獠感悅莫敢  
違命累遷台州知府謝良佐子孫之播越者收而教之置  
濟糴倉抵當庫葬民之棲寄暴露者又創安濟坊以居病  
囚葉適嘗謂其條目建置愛民如家遷知袁州卒著有復

齋集

宋史

張宏毅字通父豐城人咸淳進士授瑞金尉陳杰持江右  
憲節發豐城委掘吏奸乃悉逮繫鞫獄具服

縣志

范壽字子洪豐城人奉新教諭有寺僧豪奪學田持訟數



歲適宣政院專官根勘寺產逮壽詰問壽無遜悞語徐出載籍指陳使者怒執其籍壽曰此當與吾同死生若執之必叩闕求直非所憚也遽還之田得不奪

縣志

元

周天驥字德之武寧人應合子七歲能詩賦應神童舉入元薦博學鴻詞授太和縣主簿改授徐州司戶以連帥薦遷江淮叅軍贊畫軍政屢著異績再遷至吉梧饒三路總管以平廣南功加兩浙都督入覲世祖奏對稱旨拜江西行省叅知政事卒天驥少讀書北峯後人名其山曰神童山

縣志

南昌府志

卷四十九 仕蹟

三

鄒至善字止善豐城人以經明行修薦於朝授中書照磨累遷至刑部侍郎先是丞相鐵木迭兒恃權橫恣縱子私取貯庫糧貴鬻於市又有以子弑父者受其賂脇刑曹易詞以貸子罪至善力持不可條其罪狀丞相銜之欲致之死會從帝幸上都乃佯與共食飲密置鴆至善不覺甫歸即毒發而卒

縣志

冷敬先字有華寧州人進士授武義縣尉遷長興州判有嚴肅聲廉訪使趙汝平薦陞戶部員外郎未幾轉正奉大夫宣政院客省副使奏對敏捷深識治體與尙書元明善學士虞集友善一日以言忤執政遂乞解任去時論惜之



劉紳字彥行南昌人工詩與虞集友善詔舉廉能為德安尉察獄多平反百姓碑誌之著有雲松巢集虞集序之行世 豫章詩話

于有信字盛卿豐城人由江西行省掾授承務郎臨江路經歷都昌縣尹時邑大旱多饑殍奏發粟以賑民無流徙以政績異等陞奉議大夫集慶等處都財賦提舉轉隆興路治中致仕 縣志

錙季嘉新建人繇府史歷官奉訓大夫湖廣行省郎中蒞任以廉介稱政績為時所重 縣志

甘朝舉字士廉豐城人天歷間以學行舉官至嘉定知州嘗佐廣西帥幕蠻獠信服廉介著聞時論翕然推之 縣志

鄧梓字文若奉新人元統進士授南豐州判改信豐知縣時脂韋成風吏治寢壞梓獨以名節自勵居官以廉潔稱 舊志

文殊海涯字貫道南昌人至正間監延平尤溪縣廉介明敏時寇難屢作規畫措置悉中方畧邑有陳十軍陳合一者素獷悍各聚黨為亂海涯捕其渠魁置於法餘黨盡宥之尤重儒雅興學校增置弟子員凡鄉社俱令立學擇師儒以主教事士子感慕立祠於南溪書院 省志



僕玉立字世玉南昌人列筮第至正中監泉州時諸路兵亂玉立築城浚河爲捍禦計興學校修橋梁賑貧乏百廢具舉泉人立祠祀之

舊志

辜中字德中南昌人至正進士任永豐知縣有惠政民建

祠祀之擢鉛山知州修州城禦寇有功擢福建按察司提

舉祀鉛山名宦祠

鉛山縣志

舒嗣隆靖安人以廣東帥闖掾官朝議大夫初從元帥萬奴征徭有數百人伏道左曰吾輩爲徭所掠聞大軍至卽繫妻子歸嗣隆曰勿恐旣而帥至將殺之嗣隆曰聖旨但令收捕叛人無殺降之理帥不得已從之旬日徭拒命省

南昌府志

卷四十九

仕蹟

三

文罪帥違慢帥以徭至不戮罪在嗣隆嗣隆曰請寬數日徭當自下遂與立限破徭而歸祀鄉賢

省志

劉文質字彬卿南昌人以薦爲繕工司照磨轉詹事院管

勾府正司典簿時江南餉道絕中書左丞史克新戍遼陽軍屯田以食廷議欲徵遼陽米五萬石莫敢往文質請行戍軍裹甲以迎文質諭以天子威福侃侃不少屈乃貢米三千四百斛以歸時軍饑每掠民耕牛以食富戶輒稱無牛抗不輸賦文質僞爲牛醫悉得實乃革其弊京南倉使崔甲不以時入糧病民文質察而置之法已而擢都水監丞轉少監每出使卽自檢行橐日歸時苟增一物卽贓也



性素廉潔時相塔海欲納以燕女辭不受有呼其子馳馬者墮而死不之校越夕而蘇人服其量鄉人萬生客死文質予二千緡還其喪御史大夫朶爾直班忤時相出官湖廣會道梗行人必轉石頭關出蜀道從官多散去文質獨留朶爾直班死又護之還檀州貌竒古睂毫長二寸目方瞳夜有光年七十騎青驢游豫章諸山不知所終

宋潛溪

集

熊釗字伯幾進賢人至正甲申舉人授崇仁學官遷進賢壬辰徐壽輝兵圍隆興釗與里人樊復合謀倡義立營柵阻湖以守北山時郡城被攻甚急外援不至釗出奇兵與

南昌府志

卷四十九

仕蹟

七

戰連捷賊稍却夜遣壯士持羽書入告城中得報乃併力出擊圍解省臣嘉其功以積勞授將仕郎臨江路知事遷江西儒學副提舉城陷避之臨川僞漢陳友諒欲羅致之釗匿山澤中得免洪武間召校書會同館賜宴著學庸私錄論孟類編春秋啟鑰諸書

縣志

